



Broj:191/26

Datum:12.2.2026.godine

Na osnovu člana 126 stav (6) i člana 141. Zakona o srednjem obrazovanju („Službeni glasnik Unsko-sanskog kantona“, broj: 29/25), Saglasnosti Ministarstva obrazovanja, nauke, kulture i sporta Unsko-sanskog kantona za raspisivanje konkursa, broj: 10-34-1968-2/26 od 5.2.2026.godine, te Odluke Školskog odbora broj 187/26 od 12.2.2026. godine, JU Gimnazija „Bihać“ u Bihaću raspisuje:

K O N K U R S

za popunu upražnjenog radnog mjesta

Redni broj:	Radno mjesto:	Broj sati:	Period od – do:
1.	Profesor likovne kulture	7 sati	Na neodređeno

Opis poslova :

Radnik će obavljati poslove profesora predmetne nastave u skladu s važećim Pedagoškim standardima i normativima za srednje obrazovanje.

Ti poslovi obuhvataju: pripremu za nastavu, neposredni odgojno - obrazovni rad, pripremu za taj rad, odgojni rad s odjeljenskom zajednicom, specijalne programe, fakultativnu nastavu i slobodne aktivnosti učenika.

OPĆI UVJETI ZA IZBOR NA UPRAŽNJENO RADNO MJESTO:

- da je državljanin BiH,
- da je stariji od 18 godina,
- da je zdravstveno sposoban za obavljanje poslova utvrđenih za to radno mjesto,
- da u posljednje 3 godine od dana objave konkursa za upražnjeno radno mjesto, nije otpušten iz državne službe kao rezultat disciplinske mjere na bilo kojem nivou vlasti u BiH,
- da nije obuhvaćen odredbom člana 9 stav (1) Ustava BiH,
- da se ne vodi krivični postupak protiv tog lica,
- da ima odgovarajući stepen stručne spreme.

POSEBNI UVJETI:

Kandidati moraju imati završenu VSS, odnosno nastavu mogu izvoditi nastavnici koji su završili odgovarajući fakultet i stekli zvanje profesor historije umjetnosti, ili završen bilo koji odsjek na akademiji likovnih i primijenjenih umjetnosti s položenim pedagoško-psihološkom grupom predmeta.

UZ PRIJAVU KANDIDATI/KANDIDATKINJE SU DUŽNI PRILOŽITI DOKAZE O ISPUNJAVANJU PROPISANIH UVJETA:

1. Svojeručno potpisana prijava s kraćom biografijom, kontakt podacima kandidata, tačnom naznakom na koju poziciju konkuriše i tačno navedenom dokumentacijom koja se prilaže uz prijavu na konkurs,
2. diploma/svjedodžba o stečenoj stručnoj spremi ili akademskom zvanju,
3. izvod iz matične knjige rođenih ,
4. uvjerenje o državljanstvu ne starije od 6 mjeseci od dana objavljivanja konkursa,
5. druge dokaze o ispunjavanju uslova za to radno mjesto utvrđene Zakonom, Nastavnim planom i programom, Pedagoškim standardima i Pravilnikom o unutrašnjoj organizaciji i sistematizaciji radnih mjesta,
6. Rješenje/uvjerenje nadležnog kantonalnog/općinskog organa o priznavanju svojstva užeg člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca, ratnog vojnog invalida, člana porodice ratnog vojnog invalida, civilne žrtve rata i člana porodice civilnih žrtava rata,
7. ovjerena izjava kod nadležnog organa da u posljednje 3 godine nije otpušten iz državne službe kao rezultat disciplinske mjere na bilo kojem nivou vlasti u BiH,
8. ovjerena izjava kod nadležnog organa da nije obuhvaćen odredbom člana 9. Stav (1) Ustava BiH.

Navedeni dokumenti moraju biti original ili ovjerena kopija koja nije starija od 6 mjeseci od dana objavljivanja konkursa.

Prijava na javni konkurs se podnosi Komisiji za izbor nastavnika i stručnih saradnika putem škole koja je raspisala javni konkurs u zatvorenoj koverti sa naznakom „NE OTVARAJ – PRIJAVA NA JAVNI KONKURS“.

Izbor i prijem kandidata prijavljenih na konkurs izvršiti će Komisija na osnovu Pravilnika za prijem u radni odnos u osnovnim i srednjim školama Unsko-sanskog kantona od 13.09.2021.godine.

O terminu postupka izbora, kandidati će biti usmeno obavješteni putem telefona, a lista kandidata se objavljuje i na oglasnoj table škole. Za kandidate koji se ne odazovu pozivu, prijave se neće razmatrati. Kandidati koji se nisu kvalifikovali u daljnju proceduru biti će obavješteni pismenim putem sa poukom o pravnom lijeku od strane škole.

Konkurs ostaje otvoren 7 (sedam) dana od dana objavljivanja. Nepotpune i neblagovremene prijave neće se uzimati u razmatranje. Izabrani kandidat dužan je prije stupanja na posao dostaviti ljekarsko uvjerenje nadležne zdravstvene ustanove koje ne smije biti starije od 6 mjeseci od dana objavljivanja konkursa i Uvjerenje o nekažnjavanju koje izdaje Ministarstvo unutrašnjih poslova po mjestu rođenja izabranog kandidata.

Prijave slati isključivo poštom na adresu škole sa naznakom Prijava na konkurs:

Adresa škole:

JU Gimnazija “Bihać” u Bihaću,

Ul. Safvet-bega Bašagića br. 40

77 000 Bihać

Predsjednik Školskog odbora:

Elvin Karabegović, dipl. pravnik